


S S

Das. t. stell aufrecht mitten in sein fterung / vñ schweyß das vnden auf peden seyten auß / wie da foren dz. i. igemacht ist / darnach setz zwen puncte netlichen eyn zehenteyl von der leng. a. b. hinder das. a. ein. e. vnd für das. b. ein. f. also lang mach den zwerch strich des pustaben vnder der lini. a. b. aber pede seyten des zwerch zugs sollen außgeschweyßt werden / vnd durch ortstrich abgeschnitten / vnd oben sollen die selben scheryß vber die lini. a. b. gezogen werden / vnd oben hindersich hangen / vnd dise abschnid der ortstrich mach ein fünfteyl von der leng. a. b. lang. Darnach mach die ausschweyßung durch zweyerley cirkel / in dem engē wincklen brauch dich eines Diameters der zwey dritteyl hab von des pustaben grōsten prenten. Aber zū dem weyten winckel mach den Diameter so prent da ist die seyten der fterung / auf einem teyl neben dem prenten zug des pustaben.

Oder mach das. t. also in sein fterung / mach den puncten. e. wie for hinder das. a. vnd schneyd den zwerch strich des pustabē mit einem ortstrich ab wie for / vñ das die ausschweyßung nūn halb so prent sey als for / vnd dz oben ein schlecht eck pelenb / des gleychen auf der anderen seyten auch / aber den puncten. f. solst du vmb halbteyl neher zūm. b. setzen. vnd den abschnid mit seiner ausschweyßung aufrechter vnd prenter machen dann den forderen / sunst las all ding beleyben wie for. Wie ich das hernach hab aufgerissen.



T T

Das. v. mach also in sein fterung / teyl. c. d. mit einem. e. mitten von einander. Darnach setz ein puncten. f. eyn zehenteyl von der leng. a. b. hinder das. a. also weyt setz auch ein. g. für das. b. Darnach zeuch den prenten zug des pustaben von dem. f. herab mit seinem spiß in das. e. vñ von dann zeuch den dünnen zug vbersich bis an das. g. vñnd schweyß die züg oben auß / wie das. a. foren beschriben vnden außgeschweyßt ist. Wie das hernach ist aufgerissen.